

安徽第九區風土志畧

毛龍章題



地 230
942
=1



中華民國二十六年四月

安徽第九區風土志畧

附本區前代名人志畧

安徽第九區行政督察專員公署編印



導言

龍章昔宰豫鞏後為南陽專員所至皆重印縣志所以考文獻察風土也二十五年九月奉命督察安徽第九區行政接篆伊始亟惟府縣志是求乃自洪楊劫後文物蕩然鮮有存者退食餘暇先輯宣城志略而甯國新志亦成將欲綜徵六邑滙勒一編蓋有志焉而未逮也今年京滇公路通中央週覽團將于四月五日道出宣城龍章不敏受命招待際茲車軌大同聲教訖于寰宇芹曝之獻情難自己其屬于政治者既已月有報歲有考矣職方之志風土宜明輜軒所經採訪斯亟其詳不遑備述請試言其略惟以壤連六縣風土攸殊搜羅旬日又限于篇幅欲求言簡事賅誠憂然其難籌思久之乃披故

籍訪新聞于山志其奇于水志其通于物產志其多與特者其他亦撮要志之挂漏殊多尤以附記人物為甚誠不足言著作垂久遠然以作旅遊指南斯亦足矣宣南密邇首都山水之勝自古稱最諸名士于流連風景之餘問民疾苦相地荒熟度必有以教而濟之而九區民衆幸藉交通之便利羣力之開發俾文化經濟之進展一日千里所以解決民生問題者在此所以鞏固首都後防者亦在此異日探奇選勝歌詠昇平稽古誨今蔚成民史斯又龍章與此邦人士所馨香共禱者也

中華民國二十六年三月靜海毛龍章識

安徽第九區風土志略目錄

導言

本區地形圖

本區交通圖

本區交通概況表

本區沿革

宣城縣

一 沿革

二 氣候

三 土地

面積

四界

安徽第九區風土志略

目錄

二

田畝

墾荒

土宜

四 戶口

五 行政組織

六 形勝

山川

重要市鎮

名勝古蹟附

七 交通

鐵路

公路

航路

郵電

八 物產

動物

植物

礦物

工藝品

九 實業

農業

工業

商業

十 教育及文化

十一 風俗 語言宗教附

郎溪縣

安徽第九區風土志略

目錄

三

子目同上

廣德縣

子目同上

甯國縣

子目同上

涇縣

子目同上

旌德縣

子目同上

附安徽第九區前代名人志略


安徽第九地區地形圖



安徽省第九區交通圖

比例尺 1:50,000

安徽省



安徽第九區交通概況說明表

縣名	宣城	郎溪	廣德	甯國	旌德	涇縣	附記
各縣治距宣里程		四十五公里	九十公里	四十五公里	九十公里	四十五公里	
鐵路經過境內長	江南鐵路44 ^{Km.} 京貴鐵路22 ^{Km.}			京貴鐵路87 ^{Km.}			未成之路不記
公路經過境內長	宣長路15公里 蕪屯路84公里	宣長路13公里 京建路5公里	宣長路46公里	蕪屯路83公里	無	無	未成之路不記
有線電	設局	由廣德轉送	設局	設局	由績溪轉送	由宣城轉送	
無線電	設台	設台	設台	無	設台	無	
江河流向情形	水陽江自甯國北流入境繞縣東而向北流至蕪湖	郎川經南漪湖水陽江入大江	無	甯川流入宣水東河及華陽之匯流而入江	無		
舟楫航行情形	民船可通甯國郎溪小輪宣城到蕪湖	民船可航至縣南門	無	春秋水漲民船自水陽江入河漚溪鎮	無	春季民船溯道義江達碼頭	
通話電地點	郎廣甯涇蕪水溪灣西 溪德國德湖東口汜河 水咎雙畢新十丁洪寒 陽村溝橋豐鋪殿林亭	宣廣梅定畢十長 城德渚埠橋字樂 城城城城城城城城	宣郎柏流門誓 城郎溪溪洞河口節 城城城城城城城城	宣涇旌西胡獅 城縣德街樂橋 港東板雲甯 口岸橋梯國	甯涇績太三廟 國縣溪平溪首	宣旌甯郎章丁蔡 城德國溪家王村 城城城城城城城城	孫周楊青白紅新楊狸咎蔡 家王柳田菓楊河泗頭家 埠村舖山樹樹莊渡橋台壩

安徽第九區風土志略

本區沿革

本區領縣與舊甯國府制微異但其分治同駐地亦同故考本區沿革仍不得不溯源於府制按甯國府在三代屬揚州秦為鄣郡漢為丹陽郡孫吳為故鄣郡六朝為宣城郡隋大業改宣州唐為宣州宣城郡五代為宣州并領縣較多宋初置宣州宣城郡領宣城涇縣南陵甯國旌德太平等六縣乾道二年以宣州宣城郡甯國軍改為甯國府元為甯國路明為甯國府清因之并元領六縣民國廢府制二十一年春設宣城首席縣長轄涇縣旌德甯國績溪廣德郎溪宣城

等七縣計將舊府屬之南陵太平兩縣劃出而增以績溪廣德郎溪三縣是年十一月改設第九區行政督察專員復將績溪劃歸十區計本區共轄宣城廣德郎溪甯國涇縣旌德等六縣專員公署設宣城



宣城縣

一 沿革

宣城古屬禹貢揚州春秋屬吳地秦初改隸鄣郡漢設宛陵縣屬丹陽郡南北朝時迭易宛陵遂道浚道遂遵等縣名隋大業設宣城縣隸宣城郡是為本縣定名宣城之始自宋迄清均隸甯國府民國廢府旋隸蕪湖道二十一年本省實行劃區設首席縣制未幾改為第九行政督察區宣城為轄縣之一由專員兼領

二 氣候

本縣地當東經一百八十度五十分北緯三十一度屬揚子江流域偏于本省之東南氣候和煦寒暑適宜夏季溫度最高點平均為華氏表九十餘度冬季溫度平均為華氏表四十五度弱惟東南境之麻姑柏枧華陽諸山中則氣候較寒農作物生殖稍遲雨量以黃霉

季節與秋後為多平均為九十一公釐強

三 土地

宣城田土肥沃稻麥咸宜洪楊之役土人喪亡殆盡厥後湘鄂豫諸省及本省巢肥等縣人民移徙來宣插草標界劃地墾殖迄今遂趨繁榮全縣土地北鄉多圩田東西鄉次之南鄉悉為山嶺高原沿東西兩大河濱沖積之灘地亦頗肥沃

面積東西廣百三十華里南北長百六十七華里全縣總面積略為九千零三十方華里

四界宣城四至界址北當塗南甯國西南陵東郎溪東北蘇之高淳西北蕪湖東南廣德西南涇縣

田畝宣城為本省產米豐盛之區民田為一百二十四萬二千二百八十一畝有奇衛田六萬八千七百六十八畝有零

墾荒本縣三四兩區境內約有荒山十二萬畝土質宜種桐樹及

茶樹五區境內約有荒地九萬餘畝土宜種茶及麥每畝價值約一元五角至七元不等其餘零星散在他區者為數約有五萬餘畝現安徽省政府有在宣郎廣一帶劃撥荒山地擴大造林計劃餘由宣甯官產墾荒局隨時放領

土宜 本縣北鄉地低多屬圩田宜種水稻東鄉坂田稻麥菜豆均宜沿邊郎廣之鴉山九曲嶺一帶宜植竹木宛溪兩岸灘地砂土鬆散通氣透光宜種豆麥玉蜀黍等物南鄉水田雖微而華陽柏槻諸山所產竹木薪炭亦豐西鄉土地稍瘠近青弋江沿岸之地較為腴沃

四 戶口

本縣共九萬七千一百六十一戶男子二十九萬零三百五十八人女為二十一萬九千六百三十五人合為五十萬零九千九百九十三人

五 行政組織

宣城隸第九行政督察區為專員之駐在兼領縣其行政組織略分為二

一區的組織 專署內設三科分掌民政財政教育建設事宜轄六縣為宣城廣德郎溪甯國涇縣旌德等其附屬組織則為區圖書館一區農林場一甯屬聯立中學一

二兼縣的組織 宣城縣縣長由專員兼領其一二三科所掌事項均由專員公署各科兼理轄區署六第一區署設城區管聯保十
二轄八十六保九百六十二甲二區署設孫家埠管聯保十四轄
百六十三保二千一百七十九甲三區署設周王村管聯保十三
轄百一十一保千零六十九甲四區署設西河管聯保七轄九十六
保千四百九十五甲五區署設灣沚管聯保六轄百零九保千三
百九十三甲六區署設水陽管聯保十五轄百八十六保千九百

八十六甲統計全縣六區管聯保六十七轄七百五十六保九千零八十四甲

六 形勝

宣城地形東南高而西北低城踞陵陽山巔與東南諸峯遙相對峙茲將其山川名勝古蹟分述如下

山川 山脈有三一黃山山脈二西天目山脈三九華山脈水源亦有三一句溪二宛溪三青弋江即水陽江與青弋江俗名東西兩大河

重要市鎮 本縣市鎮以一區之雙橋五區之灣沚二區之孫家埠

水東黃渡六區之水陽新河莊四區之西河等為八大要鎮

名勝 古蹟附

宣城舊為六朝名勝之區山水甲于東南昔賢遺蹟所在多有茲就其史志可考臚舉于次

一 敬亭風景區

敬亭山 敬亭山距城約八華里雄偉深秀崛起地面數百丈遍山

植蒼松萃竹崗巒起伏不斷周廣十餘里昔賢如謝玄暉李太白韓退之諸人遊者甚衆太白遊敬亭詩多至十數篇有相看兩不厭只有敬亭山等句亦可見其欣賞之至矣

廣教寺 在敬亭山之南麓為黃蘗禪師道場原名廣教講寺俗以山門對轟雙塔名雙塔寺唐大中年間刺史斐休建佛殿明洪武年間立為叢林寺內幽靜高爽寶像莊嚴客堂雅潔有塔碣為蘇東坡書碣前書觀自在如意輪陀羅尼經全文後識云昭熙四年二月二十七日授黃州團練副使眉山蘇軾書以贈宣城廣教院模上人

太白樓 古名擁翠亭今一名太白亭即唐李太白獨坐題詩處樓踞敬亭山極頂崛起山巔可二丈樓下房舍有黃冠三四輩居焉常出山頂石罅中所產之綠雪芽茶餉遊客烹以龍潭之水色嫩

綠而味甘芳

雲根石 一峯巔有怪石若枯樞唐李白題雲根兩字均沒入荔薛苔蘚中剔搜可識

昭亭 在敬亭山麓宋時因避帝諱改敬為昭故敬亭山又名昭亭山

先賢祠 祠在山巔之太白樓旁祀六朝謝眺唐李白韓愈宋晏殊范仲淹蘇軾文天祥諸先賢左側之萃雲菴前有龍潭澄碧甘冽潭內生水螭蜴四足長尾翹首如龍故名

二 鰲峯風景區

鰲峯 華陽山餘脈穿入城之東南隅隆起一峯以形肖鰲故名周半里許花石田池無不悉備夾路松篁塵囂不到四周圍以天然竹林不啻牆垣現改為鰲峯公園聞人鉅公多于園內買宅有南樓龍首塔南亭碑亭諸勝

南樓 原名龍首亭在文昌臺之南明為正學書院清初甯國知府佟賦偉首建斯樓祀先儒于正學書院課多士捐廉置田資之自號二樓居士 二樓指南北二樓 樓凡三級與北樓遙遙相望現改設第九區圖書館明李東陽所書之題疊嶂樓碑二其一嵌于樓下壁間字大徑三寸道勁活潑其一在舊府基前危浴風雨字稍駁落

龍首塔 塔在南樓之右前方凡九級高十餘丈矗立于雉堞間數里外即巍然可見

碑亭 亭在西鰲峯一土阜之麓內有梁同書書碑勁秀可愛
南亭 亭在公園之中央建於民二十二年間背北面南雅靜高潔洵品茗勝地也

三 陵陽風景區

北樓 原名疊嶂樓一名謝公樓謝眺樓又名北望樓在陵陽山巔

古高齋地其前即舊甯國府衙舍為六朝謝玄暉所建唐李白詩誰念北樓上臨風懷謝公咸通刺史獨孤霖改名疊嶂遜清府太守許廷試重建復顏曰古北樓四壁石碣詩刻頗多現為宣城初中園入校內

永寧塔 塔建于晉代當景德寺之西面踞陵陽另一峯之巔凡九級一名開元塔時閱二千餘年塔磚為鳥巢草根所剝削腐蝕欲圯近年曾由地方集資重修

四 其他風景區

柏枧飛橋 柏枧山在縣東南部隆起數百丈曲折幽邃有仙人巖傘骨菴諸勝危橋搭高崖間俯視股栗登者盛夏挾纊

三天洞 在縣東鄉之稽亭山去水東市街約八華里洞深尋丈內置石具數事頂有三竅通透日光日夜風鳴最深處別有一黑洞名風穴深不可測

七 交通

鐵路 江南鐵路自南京經蕪湖繞本縣東北部而直趨東鄉之孫家埠在縣境者計北起灣沚東迄孫家埠長百華里每日往來十餘次客車分頭二三四等沿路線之宣城段計有灣沚蕭埠橋頭汪宣城北站宣城東站孫家埠等站近京贛鐵路由孫家埠向南修築至港口入甯國境

公路

蕪屯公路 自本縣北鄉之灣沚入境經城西門繞向東門外直趨孫家埠水東大汪村渡口村而達甯國縣在本縣境內計長一百四十華里自蕪至宣每日行車四次

宣長公路 宣長路自縣東門站起點東行經汪佳山洪林橋趨郎溪之十字鋪過廣德而達浙江之長興縣該路在縣境內長六十餘華里至十字鋪與京建路銜接可直達郎溪長為百一

十華里

宣涇公路 本路經雙牌鋪楊柳鋪柿木鋪琴溪橋而達涇縣共長一百華里在本縣境內長七十華里現已修築完成正籌鋪石子路面

敬亭公路 本路自敬亭山下廣教寺約行六華里接環城馬路已修築竣工

環城公路 環宣城約六七華里已經修築完竣路基寬平

航路 本縣水面交通有句宛二溪及青弋江外可達蕪湖涇縣甯國當塗諸縣內可通灣沚水陽孫家埠水東新河莊等鎮春季及夏秋之交河水高漲可駛小輪平時僅通帆船

句溪 長二百五十華里在縣境長百里可行小帆船

宛溪 長百一十里在本縣境內七十里可通行小帆船

青弋江 長一百四十華里在縣境內長五十里可行大小各種

帆船及小輪

郵電

郵政局 城區在木直街與縣電報局併設一字為二等郵局全縣郵程九千七百餘里四鄉如灣沚水陽孫家埠水東等鎮亦各有郵局雙橋沈村洪林橋楊柳鋪夏家渡周王村黃渡冒埠新河莊等處均設有代辦所

電報局 本縣電局設于清宣統三年十月局址初在東門大街前年與郵局併設木直街全縣電線共二二三二里餘直接通線者為蕪湖屯溪績溪甯國高淳溧陽廣德等七處現在甯國之港口設報話代辦處一所本縣北鄉之水陽設報話營業處一所

部辦長途電話 本縣電報局附設之長途電話已開放之通話處所計本省蕪湖水陽當塗甯國績溪港口屯溪祁門歙縣漁

亭廣德蚌埠臨淮關滁縣宿縣懷甯裕溪口青陽石埭等十九處外省則為南京鎮江武進無錫常熟吳縣銅山上海東山鎮秣陵關天王寺板橋鎮江甯鎮宜興溧陽高淳鄭州開封信陽新鄉許昌洛陽采石杭州吳興臨城湯山等二十八處無綫電台及長途電話管理處 本縣無綫電台係省建設廳所設有五瓦特發報机一座可轉發本省各縣之官報電話可通第九區各縣及本縣各重要市鎮

八 物產

動物 本縣東南兩部多山有豹狼野貓獐鹿等獸類青弋江及宛甸二溪水產有鯉鯽鱸鰱等魚類至鳥類則敬亭山等處雉雞最佳

植物 本縣東南諸山產松杉柏檜栗棗竹筍等數量極巨花卉如蘭桂之屬所在多有茶葉木瓜本縣所產亦佳

礦物 本縣礦產以煤為大宗大別可分為水東區九里區孫家埠水巷嶧山區南漪湖北岸之鳳凰山總稱為宣涇煤系蘊藏量極富并經化驗成分仍待開採

工藝品 本縣工藝品多係手工製造用品如表芯紙土布毛筆食品如蜜棗冰薑成品甚佳

九 實業

農業 本縣土地肥沃產米尤豐每年出口米約三十餘萬石小麥菜籽及豆類約六七萬石刻正推廣試種帽子頭稻種可期量質增佳第九區農林場並附農林訓練班設於本縣敬亭山麓

工業 本縣工業大部墨守成規仍係手工製造各項較為重要之工業如建築業翻砂冶金水泥諸業每須仰給外省人材且無機

器工業之可言

商業 本縣自二十年水災及二十三年旱災以後商業迄未復元
全縣營業總額約九百萬元

十 教育及文化

本縣現有完全小學八所初級小學三十六所義務小學二十七所
短期小學四十六所私立完小七所私立初小九所統計全縣公私
立小學共計一百三十三所此外有縣立民衆教育館及孫家埠民
衆教育分館各一所報社一家書業店尚多設於宣城之中等教育
有省立宣城師範一校內分高級初級男女各班並附屬實驗小學
一處又有省立宣城初級中學一校區立甯屬聯立初級中學一校
內分男女兩部教會立皖南初級中學一校

十一 風俗 語言宗教附

宣城民性良實婚喪多用舊禮且因多由湘鄂豫諸省移來語言龐

雜而以鄂語為最通行至宗教除佛道回教外有天主堂三所教民
四百三十二人耶蘇堂五所教民七百餘人

郎溪縣

一 沿革

本縣為漢故鄣縣地屬丹陽郡三國吳為廣德縣地晉屬宣城郡南朝宋齊因之梁陳為石封縣地屬廣梁郡又屬陳留郡隋綏安縣地復屬宣城郡唐廣德縣地屬宣州五代南唐屬江甯府宋析置廣德之郎步鎮為建平縣於今治屬廣德軍元屬廣德路明屬廣德州清因之民國三年改稱郎溪屬蕪湖道國民政府成立廢道直屬安徽省政府二十一年屬宣城首席縣長今屬第九區行政督察區縣志凡舟可攀而上下者曰步郎居民之姓也縣南有郎溪水即今之郎川河故名

二 氣候

本縣地處溫帶氣候和煦東經在赤道北三十一度北緯去北極五

十九度夏季溫度最高點平均為華氏表九十餘度冬季溫度平均為華氏表四十五度弱

三 土地

面積 二千八百九十六方市里東西寬約九十餘華里南北長約一百三十餘華里

四界 東界廣德西界宣城東南界廣德西南界宣城北界江蘇之溧陽高淳

田畝 全縣耕地約在三十七萬五千市畝以上

墾荒 全縣荒地約二萬四千四百餘市畝

土宜 土質微帶細沙色黑性粘宜種稻麥

四 戶口

全縣戶數共計二萬六千五百六十九人口共計十三萬五千零九十五其中男占七萬六千三百六十八口女占五萬八千七百二十

七口平均每戶約五人其密度每方市里為四十九人

五 行政組織

本縣為三等縣縣政府設第一二三科及司法科第一科掌民政二科掌財務三科掌教育建設共轄第一二三區署區轄二十五聯保其下為保二百五十二甲二千五百零五

六 形勝

山川

山脈 縣境東南至東北一帶山脈亘綿茲舉其大者分述如次

鴉山 在縣南九十里周圍三十餘里上有一石高二丈許有

彈跡百餘俗呼為彈子石又有釣臺舊傳有仙人釣於此其

山產茶太守梅詢詩茶煮鴉山雪滿甌

五牙山 在縣東北四十里相傳伍員伐楚還吳經此建牙因

名南畿志據輿地廣記云舊有子胥祠祠側有潭

石佛山 在縣南九十里為縣南第二道門戶

白茅山 在縣東南四十里俗呼白茅嶺界於廣德多名賢題

咏

川流 舊志縣境之水十有七澗七潭八溝二泉四井十有一池

二茲錄其大者餘略

郎川 在縣南古曰郎溪水因居民郎姓故曰郎溪縣因以名

焉俗曰郎川河源出桐汭諸山之水合流而匯於南湖其水

橫亘縣境九十里其上流一自白茅嶺而西一自陽山口而

北合流於合溪口西北至浮塘湖又西過縣南至吼兒橋會

於北河復折而西北入南湖由蕪湖入江

南漪湖 在縣西界跨宣郎之交由宣城境注丹陽湖

重要市鎮

畢橋鎮 距城西四十五華里扼縣西入境門戶

梅渚鎮 距城北三十華里扼縣北入境門戶為縣築郎梅路之

終點

名勝古蹟附

郎溪 上接洞水下接碕湖縈紆回繞襟帶一邑

鎮山 端平如几森布羅列若樹屏翰

大巖山 在縣西七十里巖山崔巍峯巒層出上有池冬夏不竭

下有泉淙淙可聽

大磊山 在縣南八里羣山拱峙一峯特起頂有三石如品字山

麓稍平處名張公坪側有石洞廣二丈有仙人偃卧跡

釣魚臺 在縣東四十里唐張志和釣魚於此因名臺下澗深莫

測藤蔓繞磯松篁夾岸臺基尚在

石臺 在縣城南白茅嶺為宋時岳武穆將臺

洗馬澗 在縣城東南四十五里唐僖宗時黃巢作亂命李克用

征之於此洗馬

暗橋 在縣東北六十里護形山之麓伍員奔吳避於山中追者

至此雲氣迷漫莫辨因員及橋而天暗遂名

七 交通

鐵路 無

公路

京建路 由縣西北望牛墩入境經縣城至十字舖約五十公里

宣長路 由縣西朱塘舖入境至十字舖與京建路連接成丁字

形其東經朱家店入廣德境約十七公里

郎梅路 此路為縣築由縣城北至梅渚鎮全路長三十華里

航路 本縣通航川流為郎川河南漪湖二流春水漲時可通汽船

水落時可行帆船全航綫七十華里

郵電

郵政 城區設有三等郵局一所畢家橋定埠梅渚鎮東夏鐘橋
濤城舖飛狸橋各設代辦所一處其較小鄉鎮設有信箱共五
處

電政 城內設無線電台一處四鄉重要市鎮設有電話與鄰境
互相聯絡電話綫共長一百餘里

八 物產

動物 郎川河流南湖二水每年鱗介之類產量甚大為本縣大宗
特產

植物 稻麥為本縣大宗出品年輸出量約在數十萬石又產藥品
如枳實五靈芝王不留行薄荷桃仁青木香天南星茯苓白朮等
等約百餘種其他絲棉茶蔴皆有出產

礦物 無

工藝品 本縣原有紙業出品篔為縣中特產出涇山古人有篔歆

郎步冰生枕句即謂此也

九 實業

農業 全縣農地三十七萬五千畝年產糧食二百萬石農民為二
萬一千九百一十七戶一十一萬一千八十一口

工業 本縣城內有明星電氣工廠一處濤城鎮王義和紡織業工
廠五里亭大隆記鍋鑪廠各一處均規模不大

商業 本縣商業繁盛之區以城鎮為最居民為五萬零七百二十
六人以雜貨業為最多布疋時貨次之其他雜業又次之

十 教育及文化

本縣共有初級小學六校有學生三百一十四名女七十四名餘為
男生完全小學四所有學生七百七十五名女三百三十四名餘為
男生有短期小學二十四處女一百二十一名餘為男生又民衆學
校七處分設各重要鄉鎮城內有縣立民衆教育館一處內附設圖

書館其文化事業方面城內有書店三家印刷所二家

十一 風俗 宗教附

居民服飾樸素食以稻米為主品魚肉菜蔬副之嫁娶沿用舊式喪葬注重風水齋蘸四季各節尤必迎神賽會相沿已久縣中西班牙籍天主教堂一處房屋三十四間占土地面積約百畝縣民入教者男三百五十人女五百零五人共計八百五十五人

廣德縣

一 沿革

本縣乃禹貢揚州之域春秋吳桐汭地秦屬彭郡漢為故彭縣地屬丹陽郡三國吳析置廣德縣仍屬丹陽郡呂蒙領廣德長即此晉屬揚州宣城郡南宋因之南齊嘗為南豫州宣城郡治尋復移郡治宛陵梁陳析廣德置石封縣於今治梁置廣梁郡陳改陳留郡後廢隋省廣德改石封曰綏安屬宣城郡故城在今治西南唐改綏安曰廣德屬江南道宣州五代南唐置廣德制置司於州治宋于縣治軍為江南東路廣德軍治元改軍為路為江浙省廣德路治明降路為州省州治廣德縣入之屬南京省清因之直隸安徽省民國元年改州為縣三年劃屬蕪湖道國民政府成立廢道直屬安徽省政府二十一年屬宣城首席縣長今屬第九區行政督察區

二 氣候

本縣地處溫帶氣候適宜經度在赤道北三十一度緯度去北極五十九度在極寒時華氏表零五度極暑時華氏表百度

三 土地

面積 一萬四千四百方市里東西寬約一百三十餘華里南北長約一百五十餘華里

四界 東界浙江之長興安吉南界甯國西南界宣城西界郎溪東南界浙江之孝豐北界江蘇之溧陽

田畝 縣中已耕之田六十二萬九千八百三十八市畝
墾荒 全縣未墾荒地約五千餘畝

土宜 土質微黑帶細砂粘性頗肥沃宜種稻麥

四 戶口

全縣戶數共計三萬一千八百二十三戶人口共計十八萬三千三

百三十四口其中男占十萬零三千六百零四口女占七萬九千七百三十口平均每戶六人密度每方市里為十二人

五 行政組織

本縣為一等縣縣政府設第一二三科第一科掌民政二科掌財政三科掌教育建設全縣共分設五區署區轄三十八聯保其下為保二百八十八甲二千九百三十三

六 形勝

山川 縣之山五十有五嶺十有三岡十有二墩三洞五縣之水十有六潭一泉一井八茲擇其大者要者分述於次

山脈 橫山祠山均在縣西五里琴山在縣西二十里陽山在縣西二十五里腰山在縣西七十里白石山亦名桐山在西南九十里為桐水發源地金龍山在縣西南五十里太首山在西南九十里巖頭山在西北四十里亭子山在西北七十里竹山在

縣南十五里筭山在縣南二十里獅子山在縣南三十里金鷄山亦名金鷄嶺在縣南六十里靈山成道山在縣南七十里尖山在縣南七十五里其餘石鼓山桃花山長樂洞等或為名勝或為古蹟當另加敘述

川流 桐汭水在縣西南九十里出白石山西北入丹陽湖秀水旋繞環抱縣府玉溪繞城如帶北入碧溪無量溪在縣東五里南合牛首山分流嶺乾溪諸水與鯉洪合流西北注南碕湖以入江鯉洪溪在縣東南二十里其源有二會流於此灌田二萬餘畝合於桐川碧溪在縣東三十里源出義倉山西經中丞里合於玉溪東亭湖在縣東三十里一名浴池廣五百畝塔湖三里灌田七百餘畝

重要市鎮

誓節渡 扼宣長路入境要衝在城西北五十里

柏墊 在縣西南五十里為城柏路終點
門口塘 在城北二十五里為城塘路止點
流洞橋 在城東北五十里為城洞路止點

名勝 古蹟附

橫山 城西有橫山楚子重之所至也高出羣山之中四面望之皆橫故名巔有龍潭又有大士菴明教寺今廢

桃姑洞 在城東北五十里洞門在半山內數洞相通至第七洞頂有一竇日光透映俗呼天井明嘉靖知州朱麟常書有芝山別洞四字

長樂洞 在城東北七十里亦名大洞廣數丈深不可測遊者秉燭而入有石燕羣飛乳泉滴瀝神人佛像碁盤鐘磬之屬皆白石天成其他又多怪品莫知所窮

義倉山 縣東南四十里號為義倉洞天乃蒼仙修煉處有雲棲

巖洗藥澗丹灶崖玉女峯陞仙台蒼仙祠蟬蛻關諸勝

東亭湖 縣東三十里有東亭湖一作東湖一名浴兵池廣五百餘畝錦影入清波春色潏灩洵美觀也

筭山 縣南二十里中峯最高旁有兩峯端列左右蔚然深秀為一縣之奇觀又三峯拱峙如女筭故曰筭山

誓節廟 在縣西五十里唐黃巢之亂土民張姓帥鄉兵禦之兵敗誓死不退後人嘉其志節廟祀之

鐘村 南宋建炎三年岳飛駐師於此又紮寨圩亦岳飛屯兵處
彭角樓 縣治前前宋錢公輔朱壽昌相繼建曾鞏記元知州僕文質重修

景范亭 在舊社稷壇右嘉靖五年判官鄒守益因范文正公舊作獄亭於司理廳東歲久址湮遂建此亭以紀其績匾曰景范古硯池 在縣治前前宋范文正公滌硯於此方塘清澈秀水通焉

池畔有范公亭

祠山三寶 在祠山廟一皇磬篆書宣和殿寶一火珠名軒轅鏡
一趙文敏手疏

七 交通

鐵路 本縣尚無鐵路敷設一九一四年三月中英借款擬建之甯
湘鐵路支線經本縣入浙約六十英里後因我國贖回築路權而
中止

公路 省築宣長路由縣西涼水井入境至縣東東亭鎮入浙江長
興縣橫貫中央計四十六公里此外縣有公路城塘路長十八公
里城洞路長二十七公里城柏路長三十四公里楊誓路長七公
里

航路 本縣河流雖有桐川無量溪汭水等然皆水量不多未易通
航

郵電

郵政 城內設有三等郵局誓節渡哮呢塘門口塘十字舖各設
有代辦所其他較小鄉鎮設有信箱共二十一處

電政 城內有電報局無綫電台長途電話管理處各一處其重
要鄉鎮均設有電話與本區各縣通話由長途電話管理處轉
接全境電話綫計長二百八十華里

八 物產

植物 產量最巨者為稻麥兩項稻之產額全部每年約一百三十
萬担麥約二十八萬石輸出之數每年稻約三十萬担麥約十二
萬石此外棉產年約二千担豆類約五千石茶約一千五百担竹
筍約二十萬担煙草約兩萬擔菜子約十二萬擔芝蔴約五萬石
工藝品 本縣工藝出品較著者為表芯紙質料尚屬精良每年運
銷蘇浙等處約得售價二十萬元至五十萬元不等

九 實業

農業 本縣農民人數除縣城外約佔全縣人口百分之九十故農產品除自給外尚有輸出

工業 本縣工業多係小手工業有用機械者亦規範狹少且多用人力其最著者為織布業竹木業造紙業全縣各業共有工友約佔全縣人口百分之一弱

商業 廣德商業大小約有一千四百餘家最著者為綢布雜貨糧食三業近年歷受災害錢莊完全停閉商店休業清理者時有所聞惟去年營業稍有起色

十 教育及文化

總計全縣八十四校學生三千五百七十人男生佔四分之三女生佔四分之一縣立十四校初級小學十所完全小學三所職業中學一所又短期小學二十三所私立及區立學校共七十所初級小學

六十九所完全小學一所另有縣辦民衆學校二所縣立民衆教育館二處並附設圖書館其文化事業方面全縣共書店六家印刷所三家報社一家

十一 風俗 宗教附

居民率行宗法族各立長吉禮納采納徵諸儀咸遵古禮率以儀文繁麗相高但男不親迎無奠雁之文其嫁女之家甚有破產以營奩飾者喪葬誦經迎神賽會相沿成風其食品方面及四季各節習尚與本區各縣同居民信教以佛及天主耶穌為盛合計縣境教徒二千六百四十九人男女相等佛教徒為二百餘人天主教約二千三百餘人耶穌教八九十人

甯國縣

一 沿革

本縣自漢末分宛陵南鄉置甯國縣屬丹陽郡此蓋為設治之始三國時為吳地屬故鄣郡晉屬宣城郡梁屬丹陽郡陳屬宣城郡隋初廢入宣城大業十四年復置唐屬宣州宣城郡五代屬宣州宋屬甯國府元屬江浙行省江東建康道甯國路明屬甯國府清屬江南安徽省甯國府民國直屬安徽省民國三年屬安徽省蕪湖道民國二十一年春屬安徽省宣城縣首席縣長二十一年冬改宣城首席縣長為安徽第九區行政督察專員轄六縣甯國其一也

二 氣候

本縣縣城位東經一百一十八度五十四分北緯三十度十八分處於溫帶極寒華氏表零下五度極暑華氏表百度仲春梅雨時節乍

晴乍陰濕度頗甚

三 土地

面積 一萬零七百零四方市里縱一百五十餘華里橫二百四十餘華里

四界 東界浙江孝豐縣東南界浙江於潛縣南界浙江昌化縣西南界績溪縣西界旌德縣西北界涇縣北界宣城縣東北界廣德縣

田畝 本縣山多田少能耕田地約占總面積十分之四合二十七萬七千二百一十五畝

墾荒 本縣東南山荒約有十二萬畝土色沙黃宜植油桐及茶土宜 粘土色微紅稍帶沙質甚肥沃低下者多植稻靠山高處多植玉蜀黍及豆麥山上多植竹木

四 戶口

本縣據二十五年調查共二萬三千七百二十三戶一十五萬三千二百五十口內計男八萬三千八百零七人女六萬九千四百四十三人

五 行政組織

本縣為二等縣縣政府設三科兼理司法全縣前設五個區公所二十四年改劃為三區第一區署駐縣城第二區署駐甯國墩第三區署駐胡樂鎮區以下為聯保全縣共四十五聯保下為保共一百九十四保以下為甲共一千九百三十八

六 形勝

山川 本縣處叢山中其山脈約分四支均以黃山為主脈茲述其奇偉者如下

長洪嶺 縣東三十里有關通廣德

倒騎龍山 縣東七十里係徽浙要道懸崖峭壁怪石嵯峨下臨

河深不可測

落花峯 縣東一百三十里高三百餘丈數十里外望若文筆又

名錫杖山

關口山 縣東南六十里兩峯對峙若門扁一名獅象山多油漆

紙皮之利山盡處有懸崖隱洞飛瀑龍湫

岳山關 縣東南六十五里入山門百餘步東西兩峯對峙如山

門各有巖洞深邃莫測

千秋嶺 縣東南一百二十里溪谷幽勝道通浙西

陽豪山 縣南七十里山脉自歙而來為本縣最高山

了髻山 縣八十里有巨石如了髻故名南唐時嘗作烽燧樓於

其山外有仙燕洞可容百餘人

千頃山 縣南一百二十里上有池約千頃池中一山似鉢盂因又名鉢盂山舊有黃蘗禪師道場今廢

籠叢山 縣西南一百五十里南屬績溪界峻嶺叢關宣歙扼塞處叢山關在焉

塵嶺山 縣西南八十里道通新安山勢險峻與籠叢山相埒隋末汪華嘗駐兵於此

遙嘉嶺 縣西七十五里界連昌化設關稽查

楓樹嶺 縣西八十里在塵嶺北明嘉靖中建哨台其山

石鏡山 縣西一百一十里有石如鏡照之影多變異有龍巖瀑布

文脊山 縣西北三十里西接涇旌諸山北接宣城柏枧山峯巒攢秀盤曲為郡雄鎮

山門山 在文脊山東南一名石門山又名靈巖山東南勝概萃於一寺即靈巖也石壁峭立劃然中開儼若城闔中有六洞風景甚佳

獅子巖 縣北二十五里萬山之中別開一境明湯賓尹葉詵讀書處

本縣東西二溪為縣境主要之河流春夏水漲均可通行船筏至宣城在公路未成以前貨物轉運胥賴於此現因上流淤阻船舶祇能泊於河瀝溪矣

重要市縣

河瀝溪鎮 在縣東五里通河運昔年商務繁盛績溪所需之百貨多由此轉運今河道上流淤阻以公路通達該處商務遠非昔比

胡樂鎮 縣西南九十里明洪武初置巡司戍守今為第三區署所在地

甯國墩鎮 縣東南六十里第三區署所在地
杜遷鎮 即今港口在縣西北三十里為本縣河流入宣城交界

處

名勝 古蹟附

甯陽公園 縣城東門外故址為清時綠營操場民國十八年淞

滬警備司令邑人楊虎捐建

東津渡橋 縣東河漑溪鎮明嘉靖中建後屢修屢圯清光緒間

重修完整蕪屯汽車經其上

仙人洞 縣東百里十五都泉川茅山脚洞口偪狹人伏身始能

入內深邃不可測旁有跑馬洞長十餘丈巖罅石乳凝結成形

詭奇不一

晉瞿硎石室 縣西北三十里文脊山中有一門一名山門洞瞿

硎先生隱居於此因以自號

靈巖寺 縣西北文脊山東麓唐貞元中建寺前有山門六洞即

山門洞

石鏡 縣西百一十里石鏡山高可丈餘能照人處僅如掌俗傳

能照人三生邑人周贊曾題云深山花鳥鏡中春曾照洪荒太

古人若說三生都入照照人形影那回真

石嶺 在縣北古關寨險隘方致堯戰戚方何通泰戰紅巾俱扼

於此

叢山關 縣西南百三十里在籠叢山當甯徽要口蕪屯路經此

崇果寺 縣西百十里唐貞觀中建有石鏡寺前古榷一株又羅

漢竹十八竿每一筍生則一竿竹枯

高峯庵 縣西七十里西坑上之一名鐵瓦庵山高萬仞前人

鑄瓦覆之山下至庵十里天氣清明望郡縣如山麓茶最清芬

夏至後採

羅隱題詩石 縣東三十里女兒山相傳古有神女現影羅隱題

詩鑄石蹟尚存

元趙子昂石刻 縣東式嶺普惠庵有南無釋迦牟尼佛七字大如箕題云宋宗室趙孟頫書

七 交通

鐵路 京贛鐵路縱貫縣境自分界山經港口灰山煤礦沿河趨桃園潘村至河瀝溪竹峯鋪橋頭鋪東岸坑口胡樂出叢山關入績溪境計長八十餘公里

公路 蕪屯路由宣城大汪村南入境經河瀝溪縣城南門橋頭鋪夾路洪門至叢山關入績溪界計長八十四公里甯旌路現正計劃興修

航路 本縣祇東西二溪於水漲時可通小帆船

郵電

郵政 全縣三等局二代辦所八信櫃六各重要市鎮均能寄遞信件

電政 縣城設有電報局一所電話除蕪屯路各站架有長途電話外尚有甯宣甯旌甯廣甯績甯涇五綫又可與浙江昌化孝豐等縣連絡通話各鄉鎮亦多設有話機九省長途電話沿公路綫經過縣境

八 物產

動物 本縣家畜家禽頗足自給山林野產亦多茲不贅錄

植物 本縣山林茂密竹木柴炭藥品為出產大品其他絲茶油漆笋菰莫不為農村之主要副產物摘述如下

青笋 產西鄉二十四都

香菰 東西兩鄉每年約產二百餘擔約值四萬元

箬葉 港口出產大宗銷皖北

茶 昔重鴉山今以高峯為最色綠而味香醇

栗 素稱宣城栗子即甯國產沙埠最良

石菖蒲 本縣產者佳

菸葉 昔每年出產可值六七萬元今者不上萬金矣

礦物 本縣煤產頗豐有灰山煤鑛公司在縣北灰山程村鑛區面積一萬七千二百四十三畝有工人六百餘名日可出煤九十餘噸裕甯公司縣北許村朱家莊鑛區面積六千零三十三畝甯豐公司縣北涼亭等處鑛區面積六千一百五十九畝其未開採者有白石嶺鍾村長山桃園冲撩石嶺黃家村等處面積凡二十餘萬畝

工藝品

皮紙 產楮區以邑西東岸為最取其皮製紙甚綿密

桐油 運銷外埠質較他省為良年產約一萬二千擔值六七十萬元

土布 原料用紗線祇供本縣之用

蜜棗 本縣蜜棗蕪屯路展覽會視為上品有禿禿提禿金絲提

貢蛋貢徽棗等色行銷南京漢口年產約三百擔

表芯紙 全境大小紙廠約四十餘家年產兩萬擔

陶器 本縣北株木店向產紫泥土質頗佳惟工藝粗劣出品中可取者有仿景德鎮之磁鼓花鋼花鉢痰盂及小品香爐手爐等

九 實業

農業 本縣糧食不足多取給於宣績等縣惟山林出產頗豐

工業 有紙廠油坊

商業 本縣對外貿易以竹木柴炭為大宗年值二十餘萬元其他藥材茶紙香菘桐油輸出亦頗可觀貨物多膺集河漚溪港口等處由東溪運出

十 教育及文化

本縣有完全小學校五縣立三區立一私立一初級小學校二十五縣立二十一私立四短期小學校三十民衆學校五（縣民衆教育館附設）巡迴教學九處民衆教育館一民衆閱報處三體育場一改良私塾四十一藏書樓一報館一

十一

風俗

語言宗教附

本縣自清咸豐兵燹後土民百不存一客民尤以湖北人為多五方雜處風俗語言各異人民多信佛教其他天主教徒約千餘人耶穌教徒二百餘人

涇縣

一 沿革

涇縣為禹貢揚州之域秦屬鄣郡地漢置涇縣隸丹陽郡三國時置涇安吳陵陽三邑其初涇邑幅幘甚大後析涇地分置石埭太平旌德諸邑所餘如現置縣境自宋迄清均屬甯國府民初屬蕪湖道現隸第九行政督察區

二 氣候

地處溫帶故氣候煦和無嚴寒酷暑之虞惟雨量欠勻調時有亢旱之災

三 土地

面積 東西距一百五十五里南北距一百二十里總計全縣面積為七千七百零五方市里

四界 東北距宣城縣界三十五里東距甯國縣界八十里南距

旌德縣界七十里西南距太平縣界一百里西距青陽縣界七十

五里西北距南陵縣界三十五里

田畝 農作地面積計三十一萬五千四百餘市畝林地面積估計

四十五萬畝

墾荒 涇邑山多田少洪楊亂後荒地極多向無精密之測量故難得準確之統計

土宜 宜種稻麥豆棉麻桑玉蜀黍蘿蔔油菜山芋楊松杉柏竹桃李杏

四 戶口

全縣計有四萬六千二百一十三戶男一十二萬一千零三十八人女九萬零七百三十七人共計人口總數二十一萬一千七百七十五人平均每戶四人強密度為每一市畝二十七人強

五 行政組織

本縣為二等縣縣政府設三科全縣分為三區每區署置區長一人區署下設聯保辦公處共轄三十五聯保二百一十保二千四百七十九甲

六 形勝

山川 涇縣環城皆山溪流縱橫黃崑台泉峙立於東湖山白雲羅列於西幕山蜿蜒於北承流高聳於南涇水經過城西直貫全境上匯徽水下注弋江幕溪環帶賞溪嶧洄縣境東北之丁漕二溪叢山疊嶂懸瀑千尺尤稱雄偉險峻嘉靖志稱為山川清淑江左名區良有以也

重要市鎮

榔橋河 原名藤溪市在縣東六十里乃通涇歙之孔道自蕪屯路通車後商旅驟減稍見衰落

章家渡 在縣西四十五里臨河成市為石埭太平二邑水陸交通之要道商務甚盛

馬頭鎮 在縣東北三十里憑臨大河當宣城南陵涇縣三邑交界之處機杼絡繹商賈輻輳

名勝 古蹟附

黃崑山 在縣東南六十里高五百丈亘十餘里為黃山之支脈羣巒疊嶂雄鎮一方有太乙華蓋天乙三峯登之可東望黃山西望九華下有天池水冬熱夏冷

桓公嶺 在涇東烏溪距縣城三十五里道通旌太形勢險阨即晉內史桓彝抗拒蘇峻戰死之處壘塹尚存

黃麻山 山距縣東五十五里危峯屹立山半有穿山洞一竇極明中可容二三人西南曰古壇墩上有泉其源不竭

台泉山 距縣城東二十里乃明大學士許國讀書處四面環石

嶙峋多奇致有鬱孤峯一名卧龍崖普陀崑一名觀音崖玉磬洞浮龜石三台泉望江亭瀑布泉諸勝台泉精舍在焉

琴高山 距城二十里在宣涇公路線旁琴溪河畔峭壁危峯高數百仞循壁鳥道而升有摩崖碑隱雨巖下為丹洞洞旁有釣魚台俯瞰溪水深碧產藥渣魚又名琴魚壁頂鐫有仙峯二字按琴高乃漢之處士相傳曾在巖洞煉丹釣台垂釣隱雨巖即其控鯉上昇之處

朝山 一名樵山距縣城百里與太平接界產樵有洞曰樵洞谿谷僻遠最稱幽勝

齊雲山 在縣南四十里高數千丈山頂平坦可數十畝產茶甚名貴山半小徑紆曲足履有聲曰琵琶路

承流山 距城四十里俗傳竇子明嘗隱于此有煉丹灶在焉山有九峯皆極聳秀為縣之冠峯岫盤旋百有餘里如城壘然東

達旌德西接太平溪谷幽深最為佳勝

湖山 在縣西五里高三百六十丈上有湖故名

水西山 即白雲山在縣西五里林壑深邃唐宣宗詩云報道風光在水西即謂此也山高二百餘丈下臨賞溪循溪而入有塢曰水西坑最幽勝相傳唐宣宗曾遊此後人為建風光閣今廢李白杜牧來遊甚久下有葛洪丹井劉遺民釣台桓公磴諸名勝宋時建二塔今尚存焉

桃花潭 桃花潭由羅浮潭北流里許清冷皎潔烟波無際黛蓄漣漪不可以丈尺計其西略無土岸怪石桀立峭壁臨危李白遊此留連不忍去

東山戰場 在縣東三里漢時孫策擒太史慈於此

劉遺民釣台 在水西白雲潭上傳劉棄官隱此

放歌台 在縣西大藍山為李白放歌處台石方竦俯臨絕澗瀑

布飛流台左刻石云天寶十五載三月李白偕汪倫寺僧數字
餘磨滅不辨

踏歌岸 在桃花潭上即汪倫送別李白處李白有詩之桃花潭
水深千尺不及汪倫送我情

七 交通

鐵路 無

公路 宣涇公路長凡一百華里路基土方及涵洞均已成功路面
工程即將着手

航路 涇水上通太平下注弋江帆船上尚能暢達過去涇旌太
三縣貨物之出入胥惟此河是賴

郵電 郵程四達匯兌儲金均極便利並有無線電台一座可與本
省各縣通報電話可達宣城及本縣各重要市鎮

八 物產

動物 魚獐野猪猴特產琴魚

植物 茶竹木材菜籽棉菸葉特產榧子貢棗琴筍

礦物 煤

工藝品 宣紙篾器土絲表芯紙

九 實業

農業 全年產糧食五十八萬三千五百担

工業 宣紙廠共三十餘家約有工人二千數百人表蕊紙廠共二
十餘家約有工人一千數百人二共每年出口價值約國幣五十
萬元

商業 竹木柴炭絲茶菸葉宣紙表蕊紙棗子均為大宗出口商品
進口則以雜貨布匹煤油香烟南貨為多

十 教育及文化

涇縣有完全小學十一所初級小學十所短期小學十五所在學兒

童共二千零九十一人又私立初級中學一所所有學生七十五人
又有民衆教育館及圖書館各一所關於文化事業有書店三家
印刷所二家通訊社一家

十一

風俗

語言宗教附

居民多衣履樸素飲食粗淡操作勤勞長于經商京鎮滬漢諸大埠
無不有涇幫之稱嫁娶喪葬尚不免狃于迷信宗教信仰全屬佛教
涇地幅員較大叢山間阻故四鄉語言音調迥異

旌德縣

一 沿革

秦時隸鄣郡漢時隸丹陽郡即涇縣境地之東南部三國吳因之晉以後屬宣城郡唐天寶時宣城郡太守李和奏割涇縣之一部置太平縣至寶應元年又析太平之麻城鄉置旌德縣宋屬甯國府元屬甯國路明清仍屬甯國府民國初年府制廢屬蕪湖道令屬第九行政督察區

二 氣候

氣候溫和春季多雨

三 土地

面積 全縣面積共二千四百四十方市里

四界 北至涇縣縣城一百二十里東至甯國縣城一百四十里南

至績溪縣城六十里西至太平縣城九十里

田畝 農地約十萬零二千零二十一市畝林地面積估計二萬畝墾荒 官荒面積約三十四萬一千一百三十四畝公荒十四萬六千二百畝私荒三十九萬二千七百九十一畝每畝地價約值五元

土宜 宜植稻麥菜籽黃豆玉蜀黍松楊杉柏櫟

四 戶口

全縣共一萬二千二百三十八戶計男三萬四千三百十三口女二萬五千九百四十一口統計人口六萬零二百五十四人平均每戶四人強人口密度為每一市畝約二十五人

五 行政組織

本縣為三等縣縣政府設三科全縣分為三區每區設有區署置區長一人區以下分為一百十三保都一千一百六十四甲保有保長

甲有甲長因地理之關係數保得聯合組織一聯保辦公處共有十八聯保

六 形勝

山川 旌城築於萬山中北有石壁柳三之勝西挹金鰲玉屏之秀南憑茗嶺翬嶺之險東匯清潭徽水之流山谷深邃鳥道縈行在蕪屯未修以前實為徽甯孔道東南奧區河流之較大者厥為徽水自績溪縣境流入經沿東南而入涇境他如豐溪玉溪梅溪麟溪等縱橫境內灌溉田畝點綴風景均足多焉

重要市鎮

三溪 距縣城北四十里當徽水麟溪玉溪三流會合之處為旌邑商業中心
廟首 位於縣城之西約五十里商業亦甚繁盛為通太歙之要道

芳川 在縣東五十里與甯國縣胡樂司成鼎足之勢

白地 在縣西六十里乃集鎮之較小者

名勝 古蹟附

西山 即棲真山距縣城五里林壑幽美竇子明為陵陽令避劉聰亂棄官煉丹於此李白詩云「願隨子明去煉火出金丹」

金鰲山 在縣西南五十里雄倚黃峯狀若巨鰲上有石筍懸澗山腰石壁為韭菜岩怪石奇兀唐呂從慶詩鰲峯出層霄摩空懸倒影我欲摘星辰直上金鰲頂

梓山 在縣城之南迤邐向西有峯如筆架傑立雲表山半有東嶽廟資福寺旁有奇石屹立澗中舊傳上生桃樹不華而實旌境諸山此為最高宋吳稠詩有梓山高出衆山巔極力躋扳若步天之句

石壁山 距城二十五里兩山對峙一水中分紆迴曲折長六七

里許舊路在山半懸崖千丈極其險峻壁上鐫有羅近溪手書
高山流水四大字至今尚存

正山 在棲真山之西距縣二十里上有仙人臺響石亭下有玉
井東有郭公巖巖上刻珍珠泉三字

鳧山 在縣東二十里其陽有鳧山殿竇子明像在焉山脈屬黃
山之支幹

白龍潭 在鳧山中潭上有石臺高數百尺宋丞相劉義溫題白
龍潭三字旁有款識字跡模糊

歃血臺 在縣西石柱山北梁程靈洗討侯景築台誓衆於此雙
石挺立巨石承之上有豹子尖為靈洗樹幟之所

厚儒洞 在上涇鄉山徑險惡其中平坦可居
小嶺山寨 在縣西十九都元末達魯花赤亦憐真勦紅巾賊鐘
富二於此

薔薇塢 縣治東相傳宋狀元劉暉讀書處

七 交通

鐵路 無

公路 甯旌公路在籌劃中

航路 水道以徽水為最大但屬山河性質漲落無定且水淺流急
不利舟楫商賈運輸貨物概以竹筏載運

郵電 郵政方面快信匯兌均已通行有綫電報尚未設局縣府已
設無綫電台一座可與本省各縣互通電訊電話通本縣各區及

聯保

八 物產

植物 旌邑多山木材出產甚富特產則有芮棗又名雙仁棗榧子
龍潭茶葉香菰等

礦物 無

工藝品 裁紙刀及油布最為著名暢銷京滬一帶

九 實業

農業 年產糧食四十萬担

工業 手工業如紙傘花炮表芯紙裁紙刀油布等

商業 商業以三溪鎮為最盛握全縣金融樞紐營業種類以布疋雜貨為多幫口以徽幫勢力為大

十 教育及文化

旌邑有完全小學六所初級小學四十七所短期小學十五所在學兒童共二千五百四十二人中等學校尚付闕如社會教育有民衆教育館一所體育場一處文化事業則有書店一家報社一家印刷所一家

十一 風俗 語言宗教附

人民生活習尚多儉樸勤勞惟婚娶喪葬則頗崇尚禮俗全縣山多

道阻故各鄉語言字音頗有出入人民普通宗教信仰仍以佛教為多

附安徽第九區前代名人志略

名宦

宣城

謝眺字玄暉蕭齊陽夏人少好學詩文清麗出守宣城每視事高齋吟嘯自若而郡亦治境中多佳山水遊歷殆遍詩曰高閣常晝掩荒階少諍詞又曰幸遇昌化穆惇俗罕驚暴又曰察壤見泉脈覘星視農正又曰烹鮮止貪競共治厲廉恥又曰簪纓逢嘉會教義承君子其勤民教士大略可見至今稱謝宣城祠祀

裴休字公美唐濟源人大中戊辰刺宣州不為皁察所治吏畏信祠祀

李光字泰發宋上虞人建炎三年知宣州以宣密邇行都繕城聚糧建義倉集六邑民兵保伍相比選擇健武萬餘統以賢豪柵險要

二十三所嚴緊守戍釐守分地為十外巡內守晝各自便後遇有警迄賴以濟

文天祥字宋瑞宋廬陵人咸淳庚午知甯國府越月召還朝命既下公臨四郊與郡父老告語作勸農文倦篤若慈母之愛赤子

廣德

范仲淹字希文宋吳縣人為廣德軍司理參軍日抱獄牘與守爭是非比去官貧止一馬鬻之徒步而歸初廣德人未知學仲淹得名士三人為師于是擢進士者相繼

岳飛字鵬舉宋湯陰人建炎三年金人渡江建康失守兀术趨杭州飛要擊至廣德境中六戰皆捷擒其將王權

真德秀字希元宋浦城人江東旱蝗德秀親至廣德與太守魏峴同以便宜發倉廩振給竣事百姓數千人送之郊外名臣

宣城

吳潛字毅夫宋嘉定十年進士第一時金人既滅與北為鄰潛白政府當以和為形以守為質以戰為應歷官右丞相兼樞密使長于奏對凡上三百餘疏

徐大任字重夫明隆慶戊辰進士位列卿貳所居僅蔽風雨神宗稱其清節為天下第一

梅穀成字玉汝文鼎孫清康熙己未翰林修樂律歷算書兼主算歷累官左都御史卒謚文穆

涇縣

蕭彥字思學明隆慶辛未進士有志行服官二十餘年明習時事所在見稱立朝多讜言四任開府節制諸番恩威並著

甯國

朱治字君理東漢末察孝廉隨孫策平江東為九真太守征討夷越

佐定東南

廣德

姜洪字希範號敬齋明成化進士累官副都御史巡撫山西性廉直身後喪不能舉謚莊介

忠節

宣城

沈壽堯明末金聲起兵績溪故魯撫邱祖德與甯國舉人錢文龍宣城諸生麻三衡甯國諸生吳太平阮恆阮善長劉鼎甲胡天球馮百家等舉兵應之兵敗并死

涇縣

左光斗字遺直明萬歷進士當官府危疑與楊漣協心建議宸極獲安拜左僉都御史奏劾魏忠賢下獄死追謚忠毅
儒林

宣城

郭忠信字希曾與兄忠貞從太守羅汝芳講學明隆慶判辰州歸稱梅井先生時東鄉洪林三十里上下有黃受軒沈古林與梅井兄弟理學相望幾幾近鄒魯

梅文鼎字定九清歲貢生耽精歷算兼通中西之學自製揆日測算諸器獨出新意所著歷算八十八種皆發前人所未發與弟文鼎並為李相國光地所重鼎著有中西星經同異考星圖慎庵筆算等書

施閏章字尚白號愚山清順治己丑進士為沈徵君壽民高弟工詩賦古文詞督學山左率諸生論道講學康熙己未以博宏詞徵入翰林官侍講纂修明史主試河南轉侍讀著雙溪詩文全集

涇縣

張榮字士儀明廩生倡建水西精舍多延名儒歲主會講由是水西

之學名天下

文苑

宣城

梅堯臣字聖俞宋尚書都官員外郎工為詩嘗語人曰凡詩意新語工得前人所未到者斯為善矣必能狀難顯之景如在目前含不盡之意見于言外然後為至也世以為知言著宛陵集四十卷高詠字阮懷清康熙己未以博學宏詞授翰林檢討工書畫詩世稱三絕與同里施閏章高唱東南者三十餘年海內翕然宗之為宣城體著若嚴堂全集五十卷

涇縣

許棠字文化唐咸通進士有詩名與張喬鄭谷稱十哲賦洞庭詩有云四顧疑無地中流忽有山人以題扇號為許洞庭萬應隆字道吉明崇禎舉人與宣城沈壽民貴池吳應箕等倡南社

張溥等倡復社于吳門偕因邑諸才士往會于虎邱激揚士氣嗣
馬阮傾陷士類應隆幸得免著有三峯文集

趙青黎字燃乙號星閣清乾隆元年會元著有星閣文集十六卷漱
芳居詩集三十二卷詩鈔檢存二卷讀左管窺二卷

包世臣字慎伯清嘉慶舉人晚號倦翁工書法達治體著有安吳四
種藝舟雙楫小倦遊閣十七帖疏證

廣德

沈虛中字太虛宋宣和中進士累官吏部尚書草秦檜及其子熹制
並令致仕著有資治通鑑事類左氏要略考異國史要綱桐川集
流寓

宣城

李白字太白唐隴西人天寶中為翰林供奉先後浮遊江東往來宣
南涇太間杖履徧山川雅富篇章

韓愈字退之唐南陽人朱子韓文考異文公有別業在宣城

白居易字樂天唐太原人元和中寓宣城為守所貢擢進士

羅隱字昭諫唐餘杭人能詩嘗遊宣卒葬涇縣東七十里

湛若水字元明明增城人從陳白沙先生遊所在有講學書院寓居

宛陵宣暢風旨啓誘不倦

姜琛字如農萊陽人明崇禎謫戍宣城衛國變後遊吳猶署客舍曰
敬亭山房卒葬敬亭山麓子安節移家廬墓不仕

涇縣

杜牧字牧之唐長林人嘗遊涇尋李白題詩處上祭公樓歌咏

錢德洪號緒山明餘姚人嘉靖間郡守劉起東置水西書院延德洪
與王畿主教又嘗講學甯邑獅巖山多所題咏

甯國

沈括宋人有十松亭及遊山門詩

旌德

胡瑗字翼之宋海陵人嘗從新安至旌遊石壁聞新建汪氏居相近即太白題詩處因成古風一篇并序書于壁

朱熹宋新安人嘗來旌聚徒講學于城南之二都今山莊內敬義二字額為晦庵遺墨

廣德

張志和唐金華人嘗寓於城北二十五里築臺溪水之旁釣以適志意不在魚後人重之因名其地為釣臺

王艮字汝止明泰州人與錢德洪王畿同受業于王守仁並嘗遊廣德寓復初書院院為鄒守益謫判廣德時所建

釋道

宣城

靈徹唐會稽人有詩名元和十一年寓宣城開元寺卒

斷際禪師希運初住高安黃蘗山曹溪六祖嫡孫唐大中二年裴休知宣州迎居開元寺旦夕受法為創廣教寺于敬亭南麓著宛陵語錄一卷後終黃蘗山

涇縣

琴高居涇縣北二十里山巖修煉道成控鯉上升因名其山上曰琴高臺溪曰琴溪溪上有煉丹洞隱雨巖每歲上巳前後數日出小魚相傳為高藥渣所化他時他水並無之



